

REGLUGERÐ

um veiðar í atvinnuskyni fiskveiðiárið 1995/1996.

Veiðileyfi í atvinnuskyni.

1. gr.

Við veitingu veiðileyfa í atvinnuskyni á fiskveiðiárinu 1. september 1995 til 31. ágúst 1996, koma aðeins til greina þau skip, sem veiðileyfi hafa fengið samkvæmt 5. gr. 1. nr. 38/1990, um stjórn fiskveiða, með áorðnum breytingum.

Heimilt er að flytja veiðileyfi, sem skip hefur fengið til nýs eða nýkeypts sambærilegs skips, enda hafi slíkum rétti til endurnýjunar ekki verið afsalað. Skilyrði þess að veiðileyfi sé flutt til nýs eða nýkeypts skips er, að eigandi skips, sem veiðileyfi lætur, hafi skriflega óskað eftir því, að veiðileyfið sé varanlega flutt til annars skips.

Heimilt er að flytja veiðileyfi fleiri en eins skips til skips er veiðileyfi hlýtur og veita fleiri en einu skipi veiðileyfi í stað skips er veiðileyfi lætur, enda sé tryggt að afkastageta fiskiskipaflotans, sem veiðileyfi hefur í fiskveiðilögsögu Íslands, aukist ekki við skiptin.

Heildaraflí og veiðitímabil.

2. gr.

Fyrir fiskveiðiárið 1. september 1995 til 31. ágúst 1996 skal leyfilegur heildaraflí og úthlutað aflamark úr botnfisktegundum vera sem hér segir:

Utan aflamarks

	Leyfilegur heildaraflí 1995/1996	Línu- aflí 1995/1996	Til jöfnunar 1995/1996	Króka- bátar 1995/1996	Úthlutað aflamark 1995/1996
	Lestir	Lestir	Lestir	Lestir	Lestir
1. Þorskur	155.000	13.810	11.866	21.500	107.824
2. Ýsa	60.000	3.190	2.658	2.000	52.152
3. Ufsi	70.000		3.101	1.500	65.399
4. Karfi	65.000		2.879		62.121
5. Grálúða	20.000		888		19.112
6. Skarkoli	13.000		577		12.423

Aflí samkvæmt ofangreindu miðast við óslægðan fisk með haus.

Aflamark einstakra skipa skal miðað við slægðan fisk með haus í öðrum tegundum en karfa.

3. gr.

Á tímabilinu 1. september 1995 til 31. ágúst 1996 skal leyfilegur heildaraflí úr neðangreindum tegundum vera sem hér segir:

1. Sild (íslensk sumargotssild)	125.000 lestir
2. Úthafsærkja	63.000 lestir

3. Humar	1.500 lestir
4. Hörpudiskur samtals	9.250 lestir
þ.a. Breiðafjörður	8.000 lestir
þ.a. Arnarfjörður	300 lestir
þ.a. Ísafjarðardjúp	150 lestir
þ.a. Húnaflói	800 lestir
5. Innfjarðarrækja samtals	6.700 lestir
þ.a. Eldey	1.500 lestir
þ.a. Arnarfjörður	500 lestir
þ.a. Ísafjarðardjúp	1.400 lestir
þ.a. Húnaflói	1.500 lestir
þ.a. Skagafjörður	500 lestir
þ.a. Skjálfandaflói	500 lestir
þ.a. Axarfjörður	800 lestir

Leyfilegur heildaraflí af innfjarðarrækju skv. tl. 5 á öðrum svæðum en við Eldey, er miðaður við bráðabirgðatillögur Hafrannsóknastofnunarinnar um upphafsaflla og verða þær endurskoðaðar fyrir rækjuvertíðina og síðan eftir áramót 1995/1996.

Veiðitímabil síldar er frá og með 1. september 1995 til og með 1. maí 1996. Veiðitímabil úthafsækju er fiskveiðiárið. Veiðitímabil humars er frá og með 16. maí 1996 til og með 15. ágúst 1996.

Miðað er við að veiðitímabil innfjarðarrækju standi frá 1. október 1995 til 1. maí 1996 á öllum svæðum öðrum en við Eldey. Miðað er við að rækjuvertíð, sem hófst við Eldey í maí 1995, ljúki 1. desember 1995. Miðað er við að nýtt veiðitímabil við Eldey hefjist 1. maí 1996 að fengnum tillögum Hafrannsóknastofnunarinnar um upphafsaflla.

Heimilt er með tilkynningu til leyfishafa að breyta upphafi og lokum vertíðar á tilgreindum veiðisvæðum innfjarðarrækju, liggi fyrir umsögn um það frá Hafrannsóknastofnuninni.

Veiðitímabil annarra tegunda verður ákveðið sérstaklega með reglugerð, ennfremur heildaraflí af loðnu.

Úthafsækjuveiðisvæði.

4. gr.

Til úthafsækju telst rækja, sem veidd er á svæðum, sem skilgreind eru í reglugerð nr. 303/1995, um úthafsækjusvæði o.fl., og ennfremur rækja, sem veidd er samkvæmt sérstökum leyfum innan viðmiðunarlínu á Breiðafirði.

Úthafsækja, sem veidd er á Dohrnbanka vestan 26°V og norðan 65°30'N telst ekki til aflamarks í úthafsækju, enda staðfesti skipstjóri nákvæmlega í afladagbók og aflaskýrslu hversu mikill afli sé fenginn á því svæði, sbr. 2. mgr. 20. gr. Rangar eða villandi upplýsingar leiða til þess að allur rækjuafli skipsins reiknast til aflamarks í úthafsækju.

Skipting leyfilegs afla.

5. gr.

Veiðiheimildum á þeim tegundum sem heildaraflí er takmarkaður af skv. 2. og 3. gr. skal skipt milli einstakra skipa.

Úthlutað aflamark hvers skips í hverri einstakri tegund ræðst annars vegar af aflahlutdeild skipsins í viðkomandi tegund en hins vegar af úthlutaðu heildaraflamarki tegundarinnar skv. 2. og 3. gr.

Aflahlutdeild hvers skips skal vera sú sama og úthlutað var fyrir fiskveiðiárið 1. september 1994 til 31. ágúst 1995, að teknu tilliti til leiðréttinga og flutnings á aflahlutdeild milli skipa.

Áður en leyfðum heildarafla er skipt á grundvelli aflahlutdeildar er eftirtalinn aflí dreginn frá:

1. Áætlaður aflí krókabáta skv. 6. gr.
2. Línuafli utan aflamarks skv. 4. mgr. 8. gr.
3. Aflaheimildir, sem nota skal til jöfnunar sbr. 2. gr.

Krókabátar.

6. gr.

Bátum, sem valið hafa leyfi til línu- og handfæraveiða, skv. 6. gr. laga nr. 38/1990, með áorðnum breytingum, kallast krókabátar, veiðileyfi þeirra krókaleyfi og veiðar þeirra krókaveiðar. Um veiðar krókabáta gilda ákvæði reglugerðar um veiðar krókabáta fiskveiðiárið 1995/1996.

Sameiginlegur hámarksafli krókabáta í þorski skal vera 21.000 lestir miðað við óslægðan þorsk með haus. Auk þess skal Bygðastofnun hafa til ráðstöfunar þorsk-aflahámark sem nemur 500 lestum, miðað við óslægðan fisk.

Óheimilt er að flytja krókaleyfi til báts, sem haft hefur veiðileyfi með aflamarki. Heimilt er þó að leyfa flutning krókaleyfis til aflamarksbáts í þeim tilvikum sem krókabátur hefur verið dæmdur óbætandi vegna sjótjóns og tekinn af skipaskrá eða settur á minjasafn, enda liggi fyrir umsögn Þjóðminjasafns Íslands um að krókabáturinn hafi verulegt minjagildi og rík ástæða sé til varðveislu hans. Flutningur krókaleyfis til aflamarksbáts skal sæta takmörkunum þeim er felast í 2. mgr. 12. gr.

Útreikningur aflamarks.

7. gr.

Þegar umreikna skal óslægðan fisk í slægðan skal margfalda magn þorsks, ýsu og ufsa með 0,8, en grálúðu og skarkola með 0,92.

Þegar umreikna skal slægðan fisk í óslægðan skal margfalda magn þorsks, ýsu og ufsa með 1,25, en grálúðu og skarkola með 1,09.

Ráðuneytið ákveður reiknistuðla til útreikninga á afla skipa sem vinna eigin afla um borð. Má við þá ákvörðun miða við aflanýtingu hvers einstaks skips og meðalaflanýtingu ákveðins flokks skipa.

Við línuveiðar í nóvember, desember, janúar og febrúar skal fiskur aðeins reiknast að hálfu til aflamarks fiskiskipa þar til sameiginlegur línuafli á þorski og ýsu hefur náð 34.000 lestum miðað við óslægðan fisk. Fiskistofa skal fylgjast með línuafli á þessu tímabili og tilkynna ráðuneytinu hvenær líklegt megi telja að ofangreindu hámarki verði náð. Ráðuneytið tilkynnir síðan frá hvaða tíma línuafli skuli reiknast að fullu til aflamarks. Þegar meta skal hvort línuafli telst veiddur í framangreindum mánuðum skal miða við að veiðiferð hefjist 1. nóvember eða síðar og að afla sé landað fyrir 1. mars.

Allan afla af botnfisktegundum, sem sæta ákvæðum um leyfilegan heildarafla, sbr. 2. gr., og fluttur er óunninn á erlendan markað skal reikna með álagi til aflamarks. Skal álagið vera 20% á þorsk og ýsu, 15% á ufsa, karfa og grálúðu en 10% á skarkola.

8. gr.

Þegar meta skal til hvaða fiskveiðiárs tiltekinn afli telst skal miða við hvenær afla er landað hér á landi. Þannig telst afli sem landað er 1. september 1995 eða síðar til fiskveiðiársins 1. september 1995 til 31. ágúst 1996, enda þótt veiðiferð hefjist fyrir upphaf þess fiskveiðiárs. Á sama hátt telst afli sem landað er 1. september 1996 eða síðar til fiskveiðiárs er hefst þann dag, enda þótt veiðiferð hefjist fyrr.

Sigli skip með eigin afla á erlendan markað, skal afli teljast til þess fiskveiðiárs, þá er skipið sannanlega hættir veiðum fyrir siglingu.

Framsal og sameining veiðiheimilda.

9. gr.

Flutning á aflaheimildum samkvæmt 11. og 12. gr. laga nr. 38/1990 skal tilkynna Fiskistofu skriflega fyrirfram. Eigandi þess skips, sem aflaheimildir eru fluttar frá, skal undirrita beiðni um flutning. Við flutning á aflahlutdeild samkvæmt 11. gr. laga nr. 38/1990 skal leggja fram veðbókarvottorð þess skips sem flutt er frá, ásamt samþykki þeirra aðila, sem áttu þinglýst veð í skipinu 1. janúar 1991. Flutningur aflahlutdeildar öðlast ekki gildi fyrr en staðfesting Fiskistofu liggur fyrir.

Þegar meira en 15% af aflamarki því í einstakri tegund, sem úthlutað er til skips í upphafi fiskveiðiárs, hefur verið flutt frá skipinu, er óheimilt fyrir 1. janúar 1996 að flytja aflamark í sömu tegund til skipsins. Á sama hátt er óheimilt fyrir 1. janúar 1996 að flytja aflamark frá skipi þegar meira en sem svarar 15% af upphaflegu aflamarki skipsins af viðkomandi tegund hefur verið flutt til skipsins fyrr á fiskveiðiarinu. Flutningur milli skipa í eigu sömu útgerðar og jöfn skipti sæta ekki takmörkunum samkvæmt þessari málsgrein. Fiskistofu er heimilt að veita undanþágu frá þessu banni við flutningi aflamarks frá skipi ef alvarlegar bilanir verða þess valdandi að veiðiheimildir þess nýtast ekki.

Veiði fiskiskip minna en 50% af samanlögðu aflamarki sínu í þorskígildum talið tvö fiskveiðiár í röð fellur veiðileyfi þess og aflahlutdeild niður og skal aflahlutdeild annarra skipa í viðkomandi tegundum hækka sem því nemur.

Aldrei er heimilt að flytja aflamark eða aflahlutdeild milli skipa leiði slíkur flutningur til þess að veiðiheimildir þess skips, sem flutt er til, verði bersýnilega umfram veiðigetu þess.

Verðmætastuðlar.

10. gr.

Við mat á því hvernig veiðiheimildir eru nýttar, sbr. 4. mgr. 12. gr. l. nr. 38/1990, skulu verðmætastuðlar fyrir fiskveiðiaríð 1. september 1995 til 31. ágúst 1996 vera eftirfarandi: Þorskur 1,00, ýsa 1,10, ufsi 0,55, karfi 0,80, grálúða 1,70, skarkoli 1,30, loðna 0,05, síld 0,08, humar (slitinn) 8,40, rækja 1,00 og hörpudiskur 0,40. Ofangreindir verðmætastuðlar gilda einnig varðandi færslu milli tegunda, sbr. 10. gr. laga nr. 38/1990, eftir því sem við á. Jafnframt skal á þeim byggt við mat á því hvort um jöfn skipti sé að ræða, sbr. 1. mgr. 12. gr. laga nr. 38/1990.

Endurnýjun fiskiskipa.**11. gr.**

Fyrir þilfarsskip úrskurðar Fiskistofa hvort um sambærileg skip sé að ræða, samkvæmt 2. mgr. 1. gr. þessarar reglugerðar. Við mat á því skal leggja til grundvallar rúmtölu skipa sem er margfeldi eftirgreindra hönnunarmála:

1. Lóðlínulengdar, sem er lárétt fjarlægð milli aftari lóðlínu, sem er lóðrétt lína er gengur í gegnum stýrisás og fremri lóðlínu, sem er lóðrétt lína er gengur í gegnum skurðpunkt stefnis og hönnunarvatnslínu.
2. Mótaðrar breiddar, sem er mesta breidd á miðbandi. Þversnið skipsgrindar, sem tekið er mitt á milli lóðlína, nefnist miðband.
3. Mótaðrar dýptar, að neðra þilfari, sem er lóðrétt fjarlægð frá neðri punkti miðbands við kjöl að efri brún þilfarsbita við byrðing.

Fyrir opna vélbáta ákvarðast rúmtala sem 4,3 x brúttótonn, þar sem brúttótonnataka er fundin samkvæmt 5. gr. reglugerðar nr. 433, 17. ágúst 1990, um mælingar skipa undir 24 metrum að lengd.

12. gr.

Rúmtala skips eða skipa sem veiðileyfi fá skv. 2. mgr. 1. gr. skal ekki vera hærri en rúmtala þess skips eða skipa sem veiðileyfi láta í þeirra stað.

Sé krókaleyfi flutt á krókabát skal rúmtala þess er leyfið fær vera a.m.k. 50% minni en rúmtala þess krókabáts eða krókabáta er veiðileyfi láta. Ekki er heimilt að flytja krókaleyfi skv. 1. gr. og 3. mgr. 6. gr. til báts sé hann 6 brúttótonn eða stærri.

13. gr.

Við útreikning samkvæmt 12.-13. gr. skal byggt á gögnum tæknideildar Fiskifélags Íslands og Fiskveiðasjóðs Íslands.

Heimilt er að meta það sérstaklega, ef lögun skipsins er ekki hefðbundin, t.d. ef mismunur mestu lengdar og lóðlínulengdar eða mótaðrar breiddar og mestu breiddar er óvenjulegur. Sama gildir þegar það er miklum vandkvæðum bundið að finna hönnunarmál.

14. gr.

Heimilt er með samþykki Fiskistofu að flytja veiðileyfi tveggja eða þriggja skipa til eins, enda sé eitt skipanna, sem veiðileyfi lætur a.m.k. 70% af rúmtölu þess skips sem veiðileyfi fær. Frá þessu má þó víkja megi ætla að sóknargeta aukist ekki við skiptin. Leyfileg rúmtala þess skips er veiðileyfið fær, skal þá miðast við samtölu rúmtalna þeirra skipa er veiðileyfin láta. Takmörkun á fjölda báta, samkvæmt 1. málslíð þessarar greinar, tekur ekki til krókabáta.

Hafi veiðileyfi verið flutt af einu skipi (a) til annars skips (b) verður veiðileyfi af þriðja skipi (c) ekki síðar flutt til hins veiðileyfislausa skips (a) nema heimilt hefði verið samkvæmt reglum þessarar greinar að flytja veiðileyfi af þriðja skipinu (c) til þess skips sem veiðileyfi fékk (b).

15. gr.

Heimilt er með samþykki Fiskistofu að flytja veiðileyfi eins skips til tveggja eða fleiri skipa. Leyfileg rúmtala þeirra skipa sem veiðileyfi fá skal þá miðast við rúmtölu þess skips, sem leyfið lætur.

16. gr.

Séu heimildir 12.-15. gr. til endurnýjunar skips eða stækkunar ekki fullnýttar fellur það sem umfram er af rúmtölunni niður.

17. gr.

Aðeins er heimilt að veita skipi veiðileyfi að fullnægt sé skilyrðum 2.-3. mgr. 1. gr. Óheimilt er að stunda veiðar í fiskveiðilögsögu Íslands nema að fengnu veiðileyfi Fiskistofu.

18. gr.

Óheimilt er, án sérstaks leyfis Fiskistofu, að breyta skipum, sem veiðileyfi með aflamarki hafa fengið í fyrsta sinn eftir 1. janúar 1986, þannig að rúmmál þeirra vaxi sbr. 11. gr. Leyfi Fiskistofu skal bundið því skilyrði, að flutt sé veiðileyfi af a.m.k. jafn stóru skipi og sem stækkun skipsins nemur.

Óheimilt er, án leyfis Fiskistofu, að breyta krókabátum þannig að rúmtala eða brúttótonnastærð þeirra vaxi. Leyfi Fiskistofu skal bundið því skilyrði, að flutt sé veiðileyfi af a.m.k. tvisvar sinnum stærri báti en sem stækkun bátsins nemur.

Sé skipi, sem veiðileyfi fékk með aflamarki í fyrsta sinn fyrir 1. janúar 1986 eða krókabáti, breytt í verulegum mæli þannig að gerð eða lögun hans breytist eða rúmtala hans aukist um meira en 20% skal Fiskistofa úrskurða, að fenginni umsögn tæknideildar Fiskifélags Íslands, hvort um nýsmíði eða breytingu á eldra skipi sé að ræða. Ákvæði þessarar málsgreinar tekur ekki til þeirra skipa eða báta, sem samningur hefur verið gerður um breytingar á, fyrir gildistöku reglugerðar þessarar, enda hafi breytingum verið lokið fyrir 1. janúar 1996 og nýtt haffærisskírteini verið gefið út.

Séu breytingar gerðar á skipi, sem veiðar stundar samkvæmt aflamarksveiðileyfi, sem það fékk fyrst fyrir 1. janúar 1986, skulu þær breytingar ekki lagðar til grundvallar við mat á afkastagetu þess síðar. Í þessu sambandi skal miðað við skráða stærð þess hjá Siglingamálastofnun ríkisins 21. júní 1995.

Ýmis ákvæði.

19. gr.

Skylt er að hirða og koma með að landi allan afla, sem markaður er fyrir. Þó skal sleppa lifandi þorski og ufsa styttri en 50 cm að lengd og ýsu styttri en 45 cm sem fæst á handfæri. Óheimilt er að stunda úthafsækjuveiðar á svæðum þar sem rækja er svo smá að fleiri en 300 stk. eru í hverju kg.

20. gr.

Skipstjóra er skylt að halda fiski um borð í veiðiskipum aðgreindum eftir tegundum. Verði slíku ekki viðkomandi vegna smæðar báts skal afli aðgreindur eftir tegundum við löndun. Ennfremur er skylt að láta vígta afla samkvæmt ákvæðum reglugerðar um vígtun sjávaraflla.

Skipstjórar fiskiskipa, sem fara til veiða á tegundum, sem reiknast ekki til aflamarks fiskiskips, skulu tilkynna sérstaklega til Fiskistofu hvenær veiðar á þessum tegundum hefjast og hvenær þeim lýkur. Í tilkynningum til Fiskistofu skal afli áætlaður, sundurliðaður eftir tegundum. Gildir þetta um veiðar á úthafskarfa, rækjuveiðar vestan 26°V og norðan 65°30'N og veiðar á botnfiski og rækju utan fiskveiðilögsögu Íslands.

Í einni og sömu veiðiferð er óheimilt að stunda veiðar bæði innan og utan fiskveiðilögsögu Íslands. Þetta gildir þó ekki, haldi skip til veiða utan lögsögunnar á loðnu, úthafskarfa, blálöngu eða síld.

Heimilt er þó með samþykki Fiskistofu að víkja frá banni samkvæmt 3. mgr., enda hafi afli og aflasamsetning um borð í fiskiskipi verið staðfest með fullnægjandi hætti að mati Fiskistofu, áður en skip flytur sig milli veiðisvæða utan og innan lögsögunnar.

21. gr.

Útgerðum skipa er skylt að senda Fiskistofu skriflegar upplýsingar um afla á eyðublöðum, sem Fiskistofa leggur til. Skal skýrslum skilað fyrir hverja þrjá mánuði, en útgerðir krókabáta, sem veiðar stunda með banndögum/sóknardögum, skulu þó aðeins skila skýrslu fyrir allt fiskveiðiárið.

Þá er skipstjórum fiskiskipa skylt að halda sérstakar afladagbækur sem Fiskistofa leggur til samkvæmt nánari reglum þar um og skal upplýsingum skilað mánaðarlega til Fiskistofu. Vanskil á skýrslum samkvæmt þessari málsgrein varða leyfissviptingu án frekari viðvörunar. Sama gildir verði aðili uppvís að undanskoti afla.

Skilafrestur á skýrslum til Fiskistofu og afladagbókum skal vera tvær vikur frá lokum hvers tímabils.

Kaupendum afla er skylt að skila til Fiskistofu skýrslum um mótttekinn afla í því formi sem Fiskistofa ákveður.

22. gr.

Brot á reglugerð þessari varða viðurlögum samkvæmt ákvæðum IV. kafla laga nr. 38, 15. maí 1990, um stjórn fiskveiða. Með mál út af brotum skal farið að hætti opinberra mála.

Um gjald vegna ólögmæts sjávarafla skal beita ákvæðum laga nr. 37, 27. maí 1992.

23. gr.

Reglugerð þessi, sem sett er samkvæmt ákvæðum laga nr. 38, 15. maí 1990, um stjórn fiskveiða með síðari breytingum, öðlast gildi 1. september 1995 og birtist til eftirbreytni öllum þeim sem hlut eiga að máli.

Sjávarútvegsráðuneytið, 20. júlí 1995.

Þorsteinn Pálsson.

Árni Kolbeinsson.